

Suleriusissatut iliuusissatullu pilersaarusiaq

2014 – 2017

Annertusisamik imaqarnialiaq

”KNR-Puilasoq”



Imai

Siulequt.....	4-5
Ilisarititsineq	
KNR	4
Suliniutit Anguniakkallu	
Suliniutit:	5
Anguniakkat:.....	5
Ilusissaa.....	
Ingerlatseriaasissaq	
Suleriusissamik iliusissamillu pilersaarusionermi aallaaviit/toqqammaviit.....	
2013mi naalaartartunik isiginnaartartunillu misissueqqissaarneq	7
Aningaasaqarnikkut siumut ulluleereernej	
IMM. 1: Ullumikkut killiffimmik qulaajaaneq	12
1.1 Qulaajaanermi pingaarnersat/ Ineriartortitsinissami pingaarnertut iliusissat / APORFIUNERPAAT...	13
Fase 2: Naleqqiussineq	13
Fase 3: Periusissaq nutaat	14
3.1 Periusissaq nutaaq=> KNR nutaamik nassuiarlugu.....	14
4. Pilersaarusionikkut immikkut sulissutigerusutat	16
4.1 KNR nutaamik nassuiarlugu.....	16
4.2 Aningaasaqarneq	16
4.3 Tulleriissaarineq.....	17
4.4 Sulisut piginnaasaat.....	17
4.5 Aqutsisut piginnaasaat	17
4.6 Aallakaatitassiornikkut ineriartortitsineq.....	18
5. Suliniutissanik pingaarnersiuneq – Suliassanut pilersaarusiaq	18
5.1 KNR nutaamik nassuiarlugu.....	18
5.2 Aqutsisutut piginnaanngorsagaaneq.....	18
5.3 Aaqqissuussineq	19
5.4 Aningaasaqarneq	19
5.5 Aallakaatitassiornikkut ineriartortitsineq.....	20
5.6 Sulisut piginnaasaat.....	21
5.7 Suliassatut allatigut pilersaarusiatic.....	21
6. Iliusissatut pilersaarut tamakkiisoq	22

Siulequt

KNR piorsarsimassutsimik atatitsisuuvoq ilami sumiikkaluaruilluunniit sumiluunniit najugaqaraluaruit, sumi suligaluaruit- nunaqarfinni illoqarfinni tamani, savaatilinni Sakkutooqarfissuarmi Pituffimmi allaallual- laammi pinngortitamiikkuit naalaarsinnaavatsigit.

KNR nutaarsiassalerisuuvoq, oqallissaarisuuvoq, aliikkusersuisuusvoq ilinniagaqartitsisarluunilu, ataatsimut isigaluguinuiqatigiit iluini pikialaartuaannartussaavoq tusagassiorfiit allat assigalugit, inuiaqatigiit sinnerlug- illusooq apeqquusiisartussaavoq, qaammarsaasussaavoq, inuiaqatigiinnilu pisunik paasissutissiisartussaal- lunittaaq.

KNR piorsarsimassutsikkut ingerlatitsisutut akisussaaqataangaatsiarpoq kalaallit piorsarsimassutsikkut kingornussaannik immikkuullarissunik tammatsaakiuissalluni kalaallit oqaasii ilanngullugit, tupinnanngitsu- mik ulorianartorsioqqajaasumut inissisimasut kiisalumi nunarsuup sinneraniik sunniutaasinnaasut eqqarsaatigalugit.

KNR ileqqutoqqat qimallugit nutaaliortariaqarpoq pissutsinullu nutaanut tusagassiornikkut ulluinnarisatsin- nut ikaarsaarnissaminut piareersimasariaqarpoq allannguinnissaminullu ammalluni. KNR inuiaqatigiinni ine- riartornermut nunatsinni nunarsuarmilu pissutsinut naleqqussartariaqarpoq.

Tusarnaartugut isiginnaartugut soqutiginnitsigullu assigiinngiaartunik tamarmik pisariaqartitsipput, taak- kuali KNR-ip killigititat iluini siammasissumik kissaatigineqartut tamakkerniarsaralugit soorunalumi sapinn- gisamik ingerlasarpoq akuttunngitsumik neqeroorutiminnik qimmerluuisarnermikkut nalilersuisarnermik- kullu siunissaq isigalugu suliniuteqarfiguartaqassamissut isigilluinnarpaat.

2013-ip naalernerani Siulersuisut aaliangersimapput suleriesissatut iliuusissatullu pilersaarussiaq piareersaa- siorniarlugu.

Pilersaarussiaq sioqqullugu suliaasimasut qiviaraanni maluginianngitsoorneqarsinnaanngilaq aqutsisut anguniakkamikkut qanoq qaffasitsigisumik inissisimallutillu qanoq annertutigisumik kissaateqartut sulif- feqarfiminni sammisaminnik nassuiaassuteqarusussutsimikkut kiisalu qanoq akisussaaffeqartiginerminnik. Aqutsisut tungaanniik pinngitsoqarata tamatta kissaatiginartipparput, piginnittoq paaseqatigilluinnarlugu qanimullu ataavartumik oqaloqatigiittuarnikkut atuisut sulisullu taamattaq aamma peqatigalugit.

Tusagassiuuteqarnerup iluani ullutsinni unammilleqatigiinnissaarsuaqarpoq periarfissallu imaannaanngillat. Digitalimik ineriartupiloorneq inunnut atortorissaarutigullu piumasaqaatinik imaannaanngitsunik nassata- qarpoq KNR piareersimasariaqarpoq tamakkunuunatigut unammilligassanut.

Tassani suleriesissatut iliuusissatullu pilersaarussiaq suliniutissanik nassuiaassuteqarusuppoq, siunissaq isigalugu KNR-p sulissutigiumaagassaanik suliffimmi ingerlatsinermi pitsaassutsimik sunniuteqartoqa- rumaarneranik aqutsisoqarumaarneranillu qulakkeerinnittussamik.

Juni 2014

Søren Lennert Mortensen
Pisortaq

Hans Peter Poulsen
Siulersuisuni siulittaasoq

KNR-mik ilisarititsineq

Tassaavoq nuna tamakkerlugu radiokkut tv-kullu nutaarsiassaqaartitsivik, pisortanit aningaasaler-sorneqartoq. KNR pisortanit suliffiutigineqarpoq namminersortoq 1958-mi tunngavilerneqarsimasoq pisisaaffilerneqarsimasorlu radiokkut tv-kullu aallakaatitassiortarnissaminut, nutaarsiassatigut, aliikkusersuinnikkut, eqqumiitsuliornikkut kiisalu piorsarsimassutsikkut.

Nunami inuiaqatigiit tamat oqartussaanerannik aallaavilimmi pisariaqarpoq KNRp suliffeqarfittut tamanut kiffartuussivittut atuutsinneqarnissaa qulakkeerusullugu kalaallit inuiaat piumasaqaataat tamakkiisumik siammasissumik, aallakaatitassiortarnermikkut, nutaarsiassiisarnermikkut, ilinniartitsineremikkut, eqqumiitsuliornikkut aliikkusersuinikkullu, imaqartarnissaat. Inuiaqatigiinni piumasaqaataassaaq KNRp killiligaanani oqaaseqarsinnaanissamik illersuisuunissaa, ilumuussuseqarnissaa, kinaassusersiortuunnginnissaalu.

KNRp kissaatigaa nunatta innuttaat inuiaqatigiinni pisunik pingaarutilinnik paasissutissanillu oqallitsitsiner-nillu sapinngisaq tamaat atorlugu malinnaatinneqassasut kalaallit oqaasii kalaallillu piorsarsimassusaat pingaarnertut aallaavigalugit. Taakkua saniatigut KNRp kissaatigaa eqqumiitsuliornerup silarsuaaniik aallakaatitassiortarnermikkut pitsutsit piviusut takutiinnarnagit anguniagaraa neriutugalugulu angusinnaassallugu qanoq nunatsinni assigiinngiaartigisunik eqqumiitsuliortariaaseqartoqarnera soqutiginnittoqarneralu piorsarsimassutsikkullu pikialaartorpassuarnik aallakaatitassiortarumaarluni innuttaasunut malinnaatitsilluni.

Ukiuni aggersuni tusagassiornerup iluani pissutsit piviusut imaassannguatsiarput, naalaartartut isiginnaartartullu qaammataasiakkut internetsikkullu radioqarfinnik tv-qarfinnillu amerlasuunik nassaassarsior-tarumaartut atorluartarumaakkaminnik. Radio/TV-lu siunissami "piffissaqarfikkut" inuppassuarnik aatsaat aallunneqartartussaassagunarpoq; inuusuttut taakkunanngalu suli nukarliunerusut radiomik naalaartas-sannguatsiarput tv-kullu isiginnaartassannguatsiarlutik ulluinnarminni ulapiffigilluakkaminni aatsaat piffis-sarsisinnaaleraangamik.

KNR suliffittut pissangartumut pulanikuuvoq ingerlatsinikkut sipaaruteqareerluni annertuunilu pisariillisaa-reernermi kingorna. KNRp naatsorsuutiginnilaa namminersorlutik oqartussaniik tapiissutisarisartakkamik-kut qaaffaavigineqarumaarnissartik taamaattumik siuariartuutissatik nutaaliortarnermikkut nutaanillu iserti-taqarfiusinnaasunik nassaassarsiornermikkut ineriartortitsinissani anguniagaraa.

Suliniutit Anguniakkallu

KNRmi siulersuisut suliniutitik anguniakkatillu ima oqaasertaliorsimavaat:

KNR - KALAALLIT-NUNAANNI ATAATSIMORFIIT KATERITTARFIILLU ANNERSAAT.

Suliniut:

KNRp suliniutigerusuppa Kalaallit-Nunaanni ataatsimoorfiulernissani kalaallinilu inuiaqatigiinni ineriartortitsisoorusulluni nunap oqaluttuarisaanera, piorsarsimassutsikkut inissisimanera, oqaasii, naleqartitaat ilequulersuutaallu aallaavigalugit.


Anguniakkat:

KNRmi anguniakkat:

- Kalaallit-Nunaata katinggataatut pisoqarfinniinniartarnissani naalaartartut sumiiffiiniinniartarnissaq tamakkiillutalu pisariaqartitatsinnik aallaaveqartarnissi.
- Inuiaqatigiinni naleqartitaat ileqqulersuutillu aallaavigisarnissaat.
- Kalaallit-Nunaanni ataatsimooqatigiinnissamik oqariartuuteqartarnissi attaveqarfigisartakkatsinnik eqqaasitsinitsigut.
- Qanilaassutsimik oqariartuuteqarneq piffinnilu qanimut pisunik aallaavilimmik suleriaaseqartarnissaq.
- Inuiaqatigiinnik ilinniartitaanerit aqqutigalugit piginnaanngorsaasarnissaq.
- Kalaallit eqqumiitsuliaannik kulturiannillu ilisarititsillunilu siammarterisarnissaq
- Kalaallit-Nunaanni pissutsinik massakkorpiarlu pisunik sukumiisumik assigiinngisitaartumillu nutaarsias-sisarnissaq.
- Siammasissumik aliikkusersuisarnissi kalaallillu anersaavat atorlugu qasuerserfissaqartitsisarnissi

Aallaavik

KNRmi siumut sammisumik ineriartortitsinissami periusissatut aallaavik unaavoq:



Periusissaq pingasunut avinnikuuvoq: Siulleq massakorporiaq killiffimmik misissueqqissaarnerussaaq, Aappaatut qimerluugassaallunilu nalilersugassaassaaq ullumikkut killiffimmut iliuusissatut pilersaarusiaq naleqquttuunersoq Pingajuattullu alloriarnissaaq tassaasussangussaaq nutaamik tulluarsakkamik iliuusissamik pilersaarusiornissaaq anguniakkanillu tulleriissaareqqissaarnissaaq. Una nalunaarusiaq taamattaq anguniakkanut pingasunut ilusilersugaavoq


Fase 1: Massakorporiaq killiffimmik misissueqqissaarneq

Fase 2: Naleqqiussineq

Fase 3: Nutaamik pilersaarusiorneq / anguniakkanik tulleriissaareqqissaarneq

Ingerlanissaa

Ingerlanissaa piffissamillu atuinissartaanut takussutissaq uani takutinneqarpoq:



Qorsummik qalipaattillit ammalortut tassaapput sulisunik workshopeqartitsinissat sungaartut ammalortut tassaallutik siulersuit ataatsimiinneri orangeat tassaapput suleriesissat

KNRp siulersuisui ataqatigiilluartumik iliuusissamik pilersaarussiaqarput, sulisutik akuliutsillugit imminnullu akisussaafferujussualerlutik iliuuseqarnissaminnut pilersaarussiaaminnut tunngatillugu. Ataqtigiissaaraluni iliuusissamik pilersaarusiornernerup avammut suliakkiunnissaraluanii nammineq isumaginerani pitsaaqutigaa: Inerniliussat ulluinnarni atuuttunngortinniarneri ajornannginneruinnaratik sulisunik akuliusimatitsiinnarani suliffeqarfiup iluani piginnaanngorsagaanerup ingerlanneratigut sulisut KNRmi pissutsinik atuuttunik kiisalu periarfissanik takunnissinnaanissaannik paasinnissinnaanerannillu periarfissinneqassaput.


Iliuusissamik pilersaarusiornissamut kajumissuseq

Siulersuisut qullersaqarfillu aaliangersimapput iliuusissamik pilersaarummik pilersitserusullutik KNRmi naalaartartut isiginnaartartullu pisariqartitaannik misissueqqissaarnermi inerniliussat malillugit taassumalu saniatigut KNRp aningaasaqarnerata pilersaarusiornissaa piffissami sivisuumi unamminartuusussamat. Ataani takusinnaavatit misissueqqissaarnermi inernerit kiisalu aningaasaqarnikkut pilersaarussiaq.


2013-mi naalaartunik isiginnaartunillu misissueqqissaarnermit

Ullumikkut TV Radiolu aalajaatsunik naalaartartoqarlunilu isiginnaartartoqarpoq. Inuit sisamaappata pingasut ullut tamaasa tv-kkut isiginnaagassianik isiginnaartarput 75 %-tillu radiomik naalaartarlutik.

Takussutissaq: Ullumikkut qassit TV-kkut isiginnaartarpat?




Takussutissaq: Ullumikkut gassit radiokkut naalaartarpat?



TV-kkut isiginnaartarneq 2012 akunnerniik tallimaniik 2013-mi akunnerit 3.7-ngorsimavoq. Nunanit allaneersunik illoqarfimmilu aallakaatitsivinniik isiginnaartarnerit allannguuteqarsimanngitsut KNR-mi isiginnaartarnerit apparsimapput.

Takussutissaq: KNR-TV-kkut ullormut isiginnaartarnerit ineriartorsimanera akunnernut agguarlugu siunissamilu qanoq isikkoqalersinnaanera ilanngullugu




Tamanna ineriartorneq qaangiinnarneqarsinnaanngilaq, tusagassiuuteqarfittut sulialittut periutsitigut unammillernartutut taaneqarsinnaalluarpog: Tamannalu aammattaaq KNR radiomut atuuppoq. Radiokkut ullormut naalaartarneq 2012-mi akunnerit 5,9-simagaluarialutik 2013-mi apparsimapput 3,9-mut. Sualummik KNR kinguariaateqarsimalluni.

Takussutissaq: KNR´mik naalartartut akunnerit qassit naalaartarsimanerannut siunissamilu taamaaginnassaguni ineriartorsinnaaneranut takussutissiaq

Naak ineriartorsimaneq aallaavigalugu eqqoriaanerinnaagaluartut nalorninartorsiortitsisinnaalluarmata, taamaakkaluartoq ineriartorneruvoq malunnaatilik: KNR tungaaniik tamanna uangga unammillerteqartipparput


Nittartakkatsinnik atuisugut amerlisimapput ilimagaarpullu sulii amerliartorumaartut.

Takussutissaq: KNR´p nittartagaanut alakkarterisartut ineriartorsimaneq taamaaginnassagunilu qanoq ineriartorumaanerani takorluuinermik takussutissiaq



Nittartakkatsinnut alakkarterisartut ilimagaagut, nittartakkatsinnut knr.gl app-itaanut il.il. smartphonesiminniik, Ipad-iminniik allallu aqqutigalugit, atuilerumaartut.

Takussutissaq: Qarasaasianiik allatigullu atortorissaarutiniik atuinermut siunissamilu ineriartorneq taamaaginnassappat ineriartorumaarneranut takussutissiaq



KNR TV: Naalaartartunik isiginnaartartunillu misissueqqissaarnermit inerniliussanit tigusat

KNR´mi isiginnaartartutta 65 %-tii kalaallisut nutaarsiassaatsinnik isiginnaartarsimapput. 21 %-tii qallunaatut nutaarsiassanik isiginnaartarsimapput. Qallunaatut nutaarsiassiissutaasarsimasut iluarisimaarneqarnerpaajupput. Isiginnaartartutta 88 %-tiisa tamanna iluarisimaarsimammassuk.

Naalaartartut sisamaappata pingasut KNR´mi kalaallit oqaasii atorlugit aallakaatitassiat kiisalu kanalitut nunatsinni aallakaatitassianik aallakaatitsivittut naammagisimannngilaat. Isiginnaartartutta amerlanerit Qanorooq iluarisimaarsimavaat. Isiginnaartartullu sisamaappata taamattaq pingasut isumarput nutaarsiassat ullumerpiarlu pisut pingaarutilit siullunniarneqartassasut aallakaatitsinermi.

Isiginnaartartutta 12 %-tiisa ullormut tekst-tv atortarsimavaat, pingajoraarterutaasali atunngisaannarsimagaat. Atuisut affaasa imarisai iluarisimaarpaat.

KNR Radiu: Naalaartartunik isiginnaartartunillu misissueqqissaarnermit inerniliussanit tigusat

KNRp naalaartartuisa 77 %-tii aallakaatitassiat kalaallisut oqaasertallit naalaartarsimavaat 22 %-tiisalu qallunaat oqaasii atorlugit aallakaatitassiat naalaartarsimallugit.

Qallunaat oqaasii atorlugit nutaarsiassiissutit iluarisimaarneqarnerpaajusimapput.

Naalaartartutta 41 %-tiisa kissaatiginartissimavaat piorsarsimassutsimut tunngassutilinnik aallakaatitassiortarnissarput.

KNR´mi Naalaartartutta 75 %-tiisa naalaarutikkut aallakaatitsinermi tulleriissaarineq iluarisimaarsimavaat.

Aallakaatitassiaq Ullaarnganit Tusakkat naalaartartutsinnit iluarisimaarneqarnerpaasimavoq. Inuusuttutsialaat FM iluarisimaarneqannginneraasimalluni.

KNR ataatsimut isigalugu: Naalaartartunik isiginnaartartunillu misissueqqissaarnermit inerniliussanit tigusat

Amerlanerit isumarput, nutaarsiassat pisullu pingaarnerit siulliunneqartassasut.


81 % af KNRp naalaartartuisa isiginnaartartuisalu qallunaatut oqaasillit kissaatiginartissimavaat pingaartillugu, qallunaatut oqaatsit atorlugit nunatta piorsarsimassusaanut tunngassutilinnik inuiaqatigiinnilu pissutsinik oqaluttuartunik aallakaatitassiortoqartarnissaa.

KNR nunatta piorsarsimassusaanut tunngasunik inuiaqatigiinnilu pissutsinik oqaluttuartunik allakaatitassiusaaraluarpat atuisutta 21 %-tii taakkunungarpiq tunngassutilinnik paasiniaanissaminnut malinnaanissaminnullu periarfissaarutissagaluarput.

Aningaasaqarnikkut ineriartorsimaneq taamaaginnassappallu ineriartorsinnaanissaanut takussutissiaq


Massakkorpiq tapiutaasartut ukiumoortumillu aningaasat nalikilliarthornerat tunngavigalugu ilassutitut tapiutaasartut aallavigalugit KNR-milu aningaasartuutaasartut ilanngullugit naatsorsorlugit allanngunngippata siunissami ineriartorsinnaaneranik takussutissiaq:

Takussutissiaq: KNR´mi aningaasartuutitugit isertitatigullu ineriartorsinnaanermut takussutissiaq



Takussutissiami inerniliussaq aallaavigissagaanni siunissami kingunerisinnaasaanut takussutissiaq:

Takussutissiaq: KNR´p aningaasaqarnera ataatsimut isigalugu kingunerisinnaasaalu



Qulaani taakkartorneqartunik piusuusaartitsinermi `allannguingiivilluni` ingerlaannaraluaruni ineriartorneq taama isikkoqassagaluarpoq. Piviusumili soorunami aqutsisut siunissamilu aqutsilerumaartut allanguisarumaarput ilorraap tungaanut aallartitsisussanik , ukuli paasissutissat suliap ingerlasinnaaneranut pingaarutilinnik paasissutissiivoq: Uannga, KNR massakkorpiaq atorsaasumik aningaasaqarnikkut inissisima-soq, kataatvissanngippallu piffissaagallartillugu iluarsisoqarnissaanut periarfissaasoq siunissaq ungasinnerusoq eqqarsaatigalugu – iliuusissatummi pilersaarusiassat killeqalissapput taannaannaanani atuisutsinnut kiffartuussisinnaanerput killilerujussuannugussaag sulisunilli soraarsitsiortortussanngussaagut – ajortut naaf-feqanngitsuusisut atuutilerfianniittumut inissilluni. Taamaattumik piffissanngooqqavoq KNR`mik allannguilluinnarnissaq nassuiaasersuinikkut.

ALLORIANEQ SIULLEQ: Massakkorpiaq killiffimmik nalilersuineq

Workshop`ertitsinerit aqutugalugit siulersuisut, sulisut, aqutsisullu MASSAKKORPIAQ-killiffinnik allat-tueqatigiissimapput allaaserinnillutillu. Unalu taakku aallaavigalugit misussueqqissaarneruvoq. Alloriarnermi siullermi misissoqqissaagassat qulingiluat siunnerfigineqarsimapput – sisamat avataaneersunik misissueqqissaagassanngorlugit tallimat ilutsinni ingerlanneqartussanngorlugit. Avataaniik misissoqqissaagassani pingasut ukununnga eqikkarneqassasut: Periarfissat - Sioorasaarutillu, ilutsinnilu misissoqqissaagassat ukununnga eqikkarneqarlutik: Piginnaasat – Sanngiiffiillu. Soqutiginnittunik misissueqqissaarnermi paasisat immikkoortiterneqassasut soqutiginnittut ilimasuutaat pisariaqartitaallu immikkoortillugit.

Avataaniik misussueqqissaarnissat:

- 1.1 KNR`p tungaaniik isigalugu inuiaqatigiinni misissueqqissaarneq
- 1.2 Tusagassiunerup iluani misissueqqissaarneq, tusagassiunerme attaveqaatit unammillertillu
- 1.3 Atuisunik siunissamilu atuisunngorsinnaasunik periarfissanik misissueqqissaarneq
- 1.4 Soqutigisat

Ilutsinni misissueqqissaarnerit:

- 1.5 Suliffeqarfimmi piorsarsimassuseq kiisalu Aqutsinikkut periutsinik misissueqqissaarneq
- 1.6 Sulisut piginnaasaat
- 1.7 Oqaluttuarisaanerput saqqummiullugu
- 1.8 Suliffeqarfittut aaqqissugaanerput
- 1.9 Pingaarnertut piginnaasarissagut

Qullersaqarfiup inernerit misissuataareerpai. Misissueqqissaarnermilu akissutini ukununnga tunngasut 124-t nassaarineqarsimapput: Periarfissat, sioorasaarutit, nukittufiit sanngiiffiit kiisalu soqutiginnitsinit kissaaterpassuit. (Misissueqqissaarneq unatut isikkulik SWOT analyse-mik taaguuteqarpoq)

Misissueqqissaarnermilu paasisat tunngavigalugit MASSAKKORPIAQ KNR'p inissisimanagera taamaalilluni allaaserineqarsinnaalerpoq. Qullersaqarfiup paasisutissiissutit tunngavigalugit sanarfersinnaasimavaat allaqqillugit, immikkuutitaarlutik ilusilersuillutillu paasiuminarsaallutik. Ataani takusinnaavasi pingaarner-siukkat unammilligassallu aporfiit annertunerpaartaat.

1.1 Massakkorpiaq killiffimmi pingaarnerit / Misissueqqissaarnermi paasisat pingaarnerit/ ISUMMERSUUTIT PINGAARNERIT

Misissueqqissaarnerup ersersippaa siunissami imaattoqartariaqarnera:

- Inuiaqatigiinnik soqutiginnilersitserusuttut unammillerneqarnerujussuaq
- Naalaartartut isiginnaartartullu piumasaqaateqarninngoriartorlutillu inuiaqatigiit iluini so-qutigisaqaqatigiinnut immikkuutitaarlutik avissaartuutissasut
- Teknikkikkut siuariartorneq ilutigalugu tusagassiuutitigut tusagassiorfitsigullu ineriartortoqa-rumaarnera
- Soqutiginnitsitta/atuisutta aallakaatitassiassatsinnik suliatsinnillu inaarsaasarnitsigut piumasaqaataat annertusiartussasut
- Tapiissutisarisartakkagut aningaasat nalorninartorsiorput inuiaqatigiinni aningaasassameernej pis-sutaalluni kiisalu atuisutta/soqutiginnitsitta nikerarnera aamma nalorninarluni
- Ajortut naaffeqanngitsuusisut atuutilerfianniittumut inissisimaannaralaruni siunissami amigartooruteqartussaassasq
- Sulisunik piginnaangorsaaneq pinngitsoortarsimavoq
- Suliffeqarfimmik ingerlatsinikkut aqqissuussisimanagerup ineriartornissaagaluq pinngitsoortis-simavaa
- Aqutsisimanagerup oqaluttuassartaata paasinarsitippaa aqutsineq iilaanngitsuusimasq amigartumil-lu ingerlanneqarsimalluni

Alloriarnissap aappaa: Aersuussineq

Alloriarnermi uani ISUMMERSUUTIT PINGAARNERIT assersuunneqassaput/Nalilersuisoqassaaq SWOT analysemi inerniliussat iliuusissatut pilersaarusiamequt nikisinnagit ikkussuunneqarsinnaanersut ISUM-MERSUUTINULLU PINGAARNERNUT atorluarneqarsinnaanersut imaluunniit iliuusissatut pilersaarusiaq taakkununga tulluarsarneqassanersq.

Ukiuni qulini ingullerni iliuusissamik ilusilersukkamik pilersaarusiortoqarsimanngilaq. Kisianni imaanngilaq pisussanik aqutsisoqanngiivissimasq, pisariaqartitsineq malillugu iliuseqartoqartarsimavoq pisariaqaler-fiisigut.

Anguniagaappulli iliuusissanik pilersaarutitik tulleriissarinissaq kiisalu KNR'p suliffeqarfittut piviusumi atugaanik aallaavilimmik nassuiaassuteqarluni allaaserinneqqiinissaq.

Allaaserisat inerniliussallu (iliuusissamik pilersaarusiorsimanermi pilersaarusiorsimannginnermiluunniit) pissarsiagut naammanngimmata SIULLERTULLU ALLORIARNISSAMI swot'it pissarsiarisimasat naammanngimmata, tassuunatigut piviusunngortinneqarsinnaajunnaarmat malitsigisussaassavaa ALLORIARNIS-SAT PINGAJUANNI nutaamik iliuusissamik pilersaarusiornissaq suliassamullu taamattaq pilersaarusiornissaq.

Alloriarnissat pingajuat: Iliuusissatut pilersaarusiaq nutaaq

Uani immikkoortumi iliuusissatut pilersaarusiaq nutaaq ilisaritinneqassaaq, iliuuseqarfigilersaakkanut sulisuteqarfiusussanut suleriesissaq ilanngullugu takuneqarsinnaavoq, siumut isigisumik KNR'mi anguniakkat.

3.1 Iliuusissaq nutaaq => KNR allaasereqqillugu

Nalilersuutit qiviarlugit paasinarsivoq qanoq KNR'mut siunissaq piumasaaqatitaqartigisoq, ingerlarsornartariaqartiginersorlu atuutiinnassagaanni. Taamaattumik pingaarnertut anguniakkanik sukuaasoqartariaqarlunilu aqqummik nassaartoqartariaqarpoq anguniakkanik piviusunngortitsinissamut tikkuussisumik qulakkeerinnissinnaasussamillu. Tamanna pissaaq nukiit pioreersut isigalugit nalilersuinikkut. KNR ineriartortinneqassaaq – suliffeqarfittullu aqunneqassalluni – anguniakkanik piviusunngortitsinissamut iluaqusersuutaasinnaasunik atuinermigut.

Piviusumi imaassaaq, KNR ukuninnga aaliangiisariaqalernera: pingaarnertut iliuusissaminik aaliangiiginarani suut anguniagaassanngitsut aamma aalingiiffiqineqassapput. Misissueqqissaarnermi inerniliussat ersaripput: **"KNR'p sorsuaq tamaat aallussinnaanngilaa nukiit piusut killeqarput"**, taamaattumik KNR aallussassaminik aaliangiussaqaqartariaqarpoq: "Suna KNR'p aallunniarpaa=> angusaqarfiulluarsinnaanerpaaq".


Taanna alloriarneq suliffeqarfiup iluani tamanut sunniuteqartussaavoq: Aaqqissuussinikkut, suliariumannitussarsiortarnikkut/avataanut suliakkiuttarnikuusaraluanik nammineq aallussilernikkut, aallakaatitassanik toqqartuisarnikkut, tusagassiisarfinnik qinaasisarnikkut, aaqqissuisoqarnikkut, oqallitsitsinerit pitsaassusillit, niuerpalaartumik suliniuteqarnikkut, allaffissornikkut, aqutsinikkut, sulisut piginnaanngorsarnerisigut allarpassuartigullu.

Taamaammallu KNR'p isumannaatsumik iliuusissatut pilersaarusiani malillugu ingerlasariaqarpoq, qulequtatut pingaarnertut nukiit pioreersut aallaavigalugit suliakkersuinissani / nukiit pioreersut aallaavigalugit suliakkiisoqartassaaq – saniatigut innuttaasut pisariaqartitaannut/kiffartuussinikkullu isumaqatigiisummut oqimaqatigiissaarneqarlutik ingerlanneqartassapput.

Borgernes behov



Suliap ingerlannerani taaqattaarparput: "KNR'p sorsuaq tamaat aallussinnaanngilaa". KNR BBC-mut nal-lersuunneqarsinnaanngilaq aningaasarpassuarnik ukiumut isertitassaminnik atortitassaminnillu missingi-oriikkanik pilik, taamaammat KNR immikkut suliniuteqarfigerusutaminik toqqartuisariaqarpoq. Tamatuma kingunerisussaassavaa uku tamakkerlugit sullissinnaannginnerat: Atuisut, qulequttat, siaruarterinissamut periarfissat.



KNR'p tamatigoortuusariaqavissortorsuurtut imminut takorloorunnaartariaqarpoq, kiffartuussinikkut isu-maatigiisummik paasinnittariaasaasimasoq, KNR sunik tamanik atuisunut tamanut aallakaatitassiortar-tussatut isigineqarluni siammarteriffissat tamakkiisumik atornissaat. Imaalertariaqarpoq KNR aallakaatitas-siortalertariaqarpoq atuisut ujartugaannik, atuisullu aallakaatitassiorfusinnaasuni atussallugu orniginartin-nerpaasaanni.

Taamaammat iliuusissatut toqqaaneruvoq, aaliangerneqarmat misissueqqissaarnermi paasisat iliuuseqar-nermi aallaaviunissaat ataatsimut isigalugu sulinermi angorusutanillu tulleriissaarinermi nukissatigullumi –kiisalu misissueqqissaarnermi inerniliussat ullormut aqutsinikkut pilersaarusionermermi tunngavigineqartuar-tassasut.

KNR immikkut sammisassamisut toqqarsimavaa: NITTARTAGAQ. KNR pilersaarusionerlugu iliuusissatut toq-qaanermini nittartakkamut ikkussassaminnik toqqartuissapput nittartakkanullu kikkut tamarmik atuga-risaannik atuisalernissaminnut taamattaaq piareersaateqassallutik. Saniatigut ullumikkut atugaaner-paanngorsimasunut iphonenut, Ipadinut kiisalu qarasaasiakkut knr.gl qupperneranik atuisut eqqarsaati-galugit anguniakkani tulleriissaarinerminni pingaarnernut ilannguttariaqarlerpaat sulissutigisassamisut.

KNR'p aallakaatitassiornermikkut uku pingaarnertut sulissutissamissut toqqarsimavaat: Nutaarsiassat mas-sakkorpiarlu pikialaartut.

KNR periarfissanik nassaassarsiortariaqarpoq, uanilu eqqarsaataavoq aliikkusersuutininik, ilaqtariinnut, kalaallillu illarnarisartagaannik oqaluttuarisaanitsinniillu aallaavilinnik (kalaallinik, kalaallinut, kalaallit tissigisaat, kalaallillu oqaluttuassartaat). Isiginnaagassiaq mamartukujussilluni tallimangornersioqatigiinnissamut ilaqtariittullu nuannisaqatigiinnissamut aqutissiuussiniartuusussaapput.

KNR inuusuttuaqqanut immikkut suliniuteqarusuppoq, taakuummatami siunissami atuisuusussat kinguaariinni tullinnguuttut naalarlutillu isiginnaartartussatut.

4. Immikkut iliuseqarfigilersaakkat

4.1 KNR allaasereqqillugu

Iliuusissatut pilersaarutip pingaarnertut qiteraa KNR'mik allaasereqqiinissaq. Qulaaniittumi atuisut, aallakaatitassiassat imarisassai, tusagassiuutitigullu periarfissanik atuiffiusussat pingaarnersiuiinikkut tullerissaariffiusimapput ataanittumili allaasereqqiinissami suliuiniuteqarfiusussat tullerissaarlugit allattorneqarsimapput: Aningaasaqarneq, aaqqissuussaaneq, sulisut piginnaanngorsarneqartarnissaat, aqutsinikkut piginnaasat kiisalu aallakaatitassianik ineriartortitsinissaq.

Suliassatut pingaarnertut ikkuteqqavoq allaasereqqiinissaq iluatsittumik inaarsarneqassasoq iliuusissatullu pilersaarusiama ataatsimoorussamik isiginnittariaasaasusaaq iperartaaliorneqassasoq.

4.2 Aningaasaqarneq

Iliuusissatut pilersaarummiippoq aningaasaqarneq aqunneqarlunilu nakkutigineqaqqissaasasoq. Tamatumalu kingunerissaanik pisariaqarpoq immikkoortortaqaqarfinnut akisussaaffilikkamik agguataarinissaq, KNR'p aningaasaqarnera aningaasaliissuteeqqanut aggulunneqarluni immikkoortortanut agguarneqassasoq missingersuutiniminnik namminneq immikkut peqalerlutik nammineq nakkutiginnittussanngorlutik.

KNR'p nutaatut iliuusissamisut pilersaarusiama aningaasaqarnikkut pilersaarutip piviusunngortinnissaa ima qulakkeerneqassaaq:

1. missingersuutininik naatsorsuutinillu sammivimmuut siunissamut pingaartitanillu eqquutsitsinissaq,
2. missingersuutininik akisussaaffimmillu agguataarineq. Uani anguniarneqarpoq aningaasatigit aqutsinikkut periutsip siunnerfiup, oqilisaaffigissagaa ajornaanninngorlugulu takujuminarsarlugulu ingerlaavartumillu KNR'mi aningaasatigit aqutsinerup nakkutiginiarnera. Immikkoortortanut agguataarinikkut neriutiginneqarpoq eqaannerusumik nammineerlutik aqutsisinnaanngornertik ilutigalugu iliuseqarsinnaanerulissasut kinguneqarluartussamik. Periutsip taamaattup aamma ersersitarsimavaa sulisut aqutsisullu eqiinganinngortartut soqutiginninngorlutillu

3. misissueqqissaartoqarnerani "nammineerta pisisaluunniit" immikkoortortani tamani suliaasimasunik tamanik aallaavilimmik, tulleriissaarinermi pingaartitaappata pingaartitaanngippataluunniit
4. atortorissaarutini pisarialinnik niuernerup iluani ineriartortitsinikkut kiisalu inniminniinarnermi suna imminnut akilersinnaanerunersoq aallaavigalugu sulisunik akuliutsitsilluni piginnaanngorsaaniikut.

Naliginnaasumik iliuusissanik pilersaarusionerme tamakku ilanngussuunneqartarput aningaasaqarneq ilorfaap tungaanut aallartikkumallugu – ingammik periarfissanik ammaasserusulluni ukioq kaajallallugu oqinnerusumik ingerlaavartumilli aningaasaqarnikkut ingerlatsisoqarnissaa anguniarlugu – aningaasanillu sipaaqaqartarnissaq anguniarlugu qisuariartarnerit sivitsorlugit.

4.3 Aaqjissuussaaneq

Allanguinerme anguniagaavoq KNR suliffittut sapinngisamik pitsaanerpaaffiligaasimassoq nutarsaavigineqareernerme kingorna. Taamaattumiguna neriuutigineqartoq aningaasatigut immikkoortortakkaartumik akisussaaffiliinikkut KNR aaqjissuussaaneermigut pitsaanerpaaffimminiilerumaartoq.

4.4 Sulisut piginnaasaat

KNR-imi allanguinermut, KNR-ip anguniagaanut qimerluueqqinnermut aaqjissuusseqqinnermullu atattillugu tamakkulu angussagaanni sulisut piginnaasaat suut pisariaqartinneqarnerisut allattorsimasuutigineqalissapput. Piginnaasat piginnaasarinngisallu piginnaasat pisariaqartitat piginnaasallu pigeriikkat akunnerata qanoq annertutiginersoq misissoqqissaarneqassaaq naggataatigullu piginnaasat pisariaqartitat piginnaasallu pigeriikkat akunnerat immernissaanut pilersaarusionermeqassaaq.

Isiginnaartut naalaartartullu naatsorsuutaat pisariaqartitaallu sukuiarnissaannut misissornissaannullu piginnaasaapput, tusagassiuteqarnermut ilisimasanut piginnaasaapput, aningaasaqarnikkut piginnaasaapput, allallu.

4.5 Aqutsisut piginnaasaat

Pilersaarutaavoq KNR aqutsisunik piginnaanngorsaassasoq, nutaaliamik ullutsinnut naleqquttumik naleqartitaminut naleqquttumik KNR aqunneqalerniassammat, tamannalu pisariaqarpoq KNR'p Nunatsinni tusagassiuteqarfanni inissisimanini attatiinnassaguniuk. Aquttut naleqartitat qitiutillugit aqutseriaaseqarlutik aqutissiuussisuullutik siuttuussapput.

Suliassaq aaliangersimasoq tassaavoq aqutsisut *leadership* sakkussaat (*aqutsinerme sakkussaat*) ineriartortissallugit, suliassaq aaliangersimasuuvoq aqutsisut *management* sakkussaat (ingerlatsinerme sakkussaat) ineriartortinnissaat – tassa aningaasanik ingerlatsinerme piginnaasat, pilersaarusionerme piginnaasat, allallu.

4.6 Aallakaatitassiornikkut ineriartortitsineq

KNR’p allannguina anguniagaasalu qimerlooqqissaarneri ilutigalugit, immikkoortut misissorneri sukuiarnerisalu imarisai susassaqrifiilu aallakaatitassianut ineriartornermullu KNR’p ujartugaanut atorneqassapput.

5. Suliniutissanik pingaarnersiuneq – Suliassamut pilersaarussiaq

Suliniutissat pilersaarusiukkat suuneri ataani allaqqapput:

5.1 KNR nutaamik ilusilerlugu

Pilersaarussiaq qiterpiarivaa KNR’p nutaamik ilusilernissaa. Suliniutillu tamakkiisumik sunniutaat KNR’imut nutaamik ilusileeqataassapput, suliffeqarfiullu ataavartuarnissaanut qulakkeerinneqataassallutik. Tamannarpiarlu anguniarlugu - sutigullu tamatigut siuariartortoqarnissaa anguniarlugu aaliangersimasumik suliniuteqartoqartariaqarpoq

Suunera:	Nassuiaataa:
RED-01	Qaqileeqqinnissamut sakkussat, iliuusissatut pilersaarutit piviusunnngortinnissaanut ingerlatsinertassaannullu qulakkeerinnittussat.

5.2 Aqutsisutut piginnaanngorsagaaneq

Pilersaarutaavoq KNR’p aqutsisunik piginnaanngorsagaassasoq uku ineriartortillugit: 1/ *leadership* sakkussaat (*aqutsinermut sakkussaat*) aamma 2/ *management* sakkussaat (ingerlatsinermut sakkussaat) – tassa aningaasanik ingerlatsinermut piginnaasat, pilersaarusiorsinnaanermut piginnaasat, allallu.

Suunera:	Nassuiaataa:
LED-01	Aqutsinermut sakkussat – ineriartortitsinissamut najoqqutassiaq ineriartortinneqassaaq, atuutsinneqalerlunilu ingerlanneqalissaaq.

LED-02	Ingerlatsinermut sakkussat – ineriartortitsinissamut najoqqutassiaqineriartortinneqassaaq, atuutsinneqalerlunilu ingerlanneqalissaaq.
LED-03	Sulisunik aqutsisinnaassuseqartunik piginnaaseqartunillu nassaarneq

5.3 Aaqjissuussineq

Pilersaarutaavoq KNR silatusaartumik immikkoortunut / imarisanut / susassaqarfinnut pingaarnersiuisasooq.

Suunera:	Nassuiaataa:
ORG-01	Aqutseriaaseq nutaaq ineriartortinneqassaaq, atuutsinneqalerlunilu ingerlanneqalissaaq.

5.4 Aningaasaqarneq

Pilersaarutaavoq aningaasaqarneq aqunneqarlunilu nakkutigineqassasooq.

Suunera:	Nassuiaataa:
ØKO-01	Aningaasaqarnikkut ingerlatsineq Plusi-minngaanniit utertillugu
ØKO-02	Missingersuusioriaaseq nutaaq ineriartortinneqassaaq, atuutsinneqalerlunilu ingerlanneqalissaaq.
ØKO-03	”Make-or-buy” misissuinerit aallakaatitassiorfinni naammassineqassapput.
ØKO-04	Aningaasaliissutissanut pilersaarut ineriartortinneqassaaq, atuutsinneqalerlunilu ingerlanneqalissaaq.
ØKO-05	Aallakaatitatta aningaasartaannik naatsorsuineq.

--	--

5.5 Aallakaatitassiornikkut ineriartortitsineq

Pilersaarutaavoq isiginnaartut naalaartartullu pisariaqartitaat aamma aallavittut toqqagaq nutaaq aallaavigalugit aallakaatitassiornikkut ineriartortitsineq ingerlanneqassasoq.

Suunera:	Nassuiaataa:
PRO-01	TV – pingaarnersiuneq nutaaq malillugu aallakaatitassianik inerisaaneqassaaq
PRO-02	Radio – pingaarnersiuneq nutaaq malillugu aallakaatitassianik inerisaaneqassaaq.
PRO-03	Nittartakkap iserfissap nutaap inerisarneqarnera
PRO-04	Aallakaatitassiorneq aallakaatitsinerullu atuisut atortorissaarutininik pisariaqartitsinerat malillugu ineriartortinnissaat
PRO-05	Sapaatip akunnera tamaat nalunaaqutaq ullaakkut arfineq marluniit unnukkut qulit tungaanut akunnikkaartumik nutaarsiassaqaqtitsineq anguniarlugu
PRO-06	Qaammammut ataasiartumik ullutsinnut soqutiginaatilimmik sammisalimmik itisiliisumik tusagassiornermik aallaavilimmik pilersitsineq
PRO-07	Kalaallit naleqartitaat aallaavigalugit aliikkutassiamik isiginnaagassiamik ineriartortitsineq. Ilaqutariit, unammisitsinerit, bingo, nipilersorneq, illarsaarineq.
PRO-08	TV2 Nord aamma Kringvarp peqatigalugit aallakaatitassianik ineriartortitsineq
PRO-09	TV-kkut swop-imik aallakaatitassiornikkut arlalinni peqataaneq

PRO-10	Raatiukkut nutaamik aallakaatitsivittaarnissaq – nipilersuutininik aallakaatitsivimmik. Inuusunnerusunut saaffiginnittuussaaq. Nipilersuutit, akunnikkaartumik nutaarsiassaqaarnerit, aallakaatitassat. Akunneq kaajallallugu ulloq unnullu tamaat aallakaatitsisoq. Ussassaruteqarnikkut aningaasalersornilik.
---------------	---

5.6 Sulisut piginnaasaat

KNR-imi allannguinnermut, KNR-ip anguniagaanut qimerluueqqinnermut aqqissuusseqqinnermullu atattillugu tamakkulu angussagaanni sulisut piginnaasaat suut pisariaqartinneqaarnerisut allattorsimasuutigineqalissapput. Piginnaasat piginnaasarinngisallu piginnaasat pisariaqartitat piginnaasallu pigeriikkat akunnerata qanoq annertutiginersoq misissoqqissaarneqassaaq naggataatigullu piginnaasat pisariaqartitat piginnaasallu pigeriikkat akunnerat immernissaanut pilersaarusioneqassaaq.

Suunera:	Nassuiaataa:
MED-01	Ilinniarnissamut pikkorissarnissamullu politikki suliaralugu
MED-02	KNR’p nutaamik ilusilernikup piginnaasat pisariaqartitai misissoqqissaarlugit.
MED-03	KNR’mi piginnaasat pioreersut suuneri misissorlugit
MED-04	Piginnaangorsagaanissamut isuma ineriartortinneqassaaq, atuutsinneqalerlunilu ingerlanneqalissaaq.
MED-05	TV2 Nord aamma Kringvarp peqatigalugit sulisunik paarlaasseqateqartarneq ingerlallugu

5.7 Suliassatut allatigut pilersaarusiit

Suliniutit anginerit ataatsimoortikkumallugit suliasatut allatigut pilersaarusiit maani allattorsimassapput. Suliniutit pilersaarusiit allattorsimasuutigilernikkut suliniutit anginerit ataatsimoortikkaanni KNR'p ataatsimut suliniutaannik ilusilerluakkamik qaqileeqqiisarnissamut periarfissiinerussaaq.

5. Iliuusissatut pilersaarut tamakkiisoq

Suunera:	Nassuiaataa:
ØHP-01	Angusanut servicemullu isumaqatigiissut ullutsinnut naleqquttoq nutaaq isumaqatigiissutigalugu suliaralugulu.
ØHP-02	Mediehusitaarnissaq ingerlatiinnarlugu
ØHP-03	Teknikkikkut siunissami qaninnermut ungasinnerusumullu aaqqiissutissat nalilernissaannut suliniuteqarneq
ØHP-04	Sulisut akornanni piumassuseq atugarissaarnerlu annertunissaat anguniarlugit
ØHP-05	KNR nutaarsiassaqaqtitsivittut isigineqarnerulernissaa anguniarlugu
ØHP-06	Brugsen-ip ikaartarfia igalaalik nutaarsiassanik aallakaatitsiffeqartilernissaa.

Suunera:	Nassuiaataa:
RED-01	Qaqileeqqinnissamut sakkussat, iliuusissatut pilersaarutit piviusungortinnissaannut ingerlatsinertassaannullu qulakkeerinnittussat.
LED-01	Aqutsinnermut sakkussat – ineriartortitsinissamut najoqqutassiaq ineriartor-

	tinneqassaaq, atuutsinneqalerlunilu ingerlanneqalissaaq.
LED-02	Ingerlatsinermut sakkussat – ineriartortitsinissamut najoqqutassiaqineriartortinneqassaaq, atuutsinneqalerlunilu ingerlanneqalissaaq.
LED-03	Sulisunik aqutsisinnaassuseqartunik piginnaaseqartunillu nassaarneq
ORG-01	Tulleriissaarineq nutaaq ineriartortinneqassaaq, atuutsinneqalerlunilu ingerlanneqalissaaq.
ØKO-01	Aningaasaqarnikkut ingerlatsineq Plusi-minngaanniit utertillugu
ØKO-02	Missingersuusoriaaseq nutaaq ineriartortinneqassaaq, atuutsinneqalerlunilu ingerlanneqalissaaq.
ØKO-03	”Make-or-buy” misissuinerit aallakaatitassiorfinni naammassineqassapput.
ØKO-04	Aningaasaliissutissanut pilersaarut ineriartortinneqassaaq, atuutsinneqalerlunilu ingerlanneqalissaaq.
ØKO-05	Aallakaatitatta aningaasartaannik naatsorsuineq.
PRO-01	TV – pingaarnersiuneq nutaaq malillugu aallakaatitassianik inerisaaneqassaaq
PRO-02	Radio – pingaarnersiuneq nutaaq malillugu aallakaatitassianik inerisaaneqassaaq.
PRO-03	Nittartakkap iserfissap nutaap inerisarneqarnera
PRO-04	Aallakaatitassiorneq aallakaatitsinerullu atuisut atortorissaarutininik pisariaqartitsinerat malillugu ineriartortinnissaat
PRO-05	Sapaatip akunnera tamaat nalunaaqutaq ullaakkut arfineq marluniit unnukkut

	qulit tungaanut akunnikkaartumik nutaarsiassaqaqtitsineq anguniarlugu
PRO-06	Qaammammut ataasiartumik ullutsinnut soqutiginaatilimmik sammisalimmik itisiliisumik tusagassiornermik aallaavilimmik pilersitsineq
PRO-07	Kalaallit naleqartitaat aallaavigalugit aliikkutassiamik isiginnaagassiamik ineriartortitsineq. Ilaqutariit, unammisitsinerit, bingo, nipilersorneq, illarsaarineq.
PRO-08	TV2 Nord aamma Kringvarp peqatigalugit aallakaatitassianik ineriartortitsineq
PRO-09	TV-kkut swop-imik aallakaatitassiornikkut arlalinni peqataaneq
PRO-10	Raatiukkut nutaamik aallakaatitsivittaarnissaq – nipilersuutiniq aallakaatitsivimmik. Inuusunnerusunut saaffiginnittuussaaq. Nipilersuutit, akunnikkaartumik nutaarsiassaqaqarnerit, aallakaatitassat. Akunneq kaajallallugu ulloq unnullu tamaat aallakaatitsisoq. Ussassaaruteqarnikkut aningaasalersornilik.
MED-01	Ilinniarnissamut pikkorissarnissamullu politikki suliaralugu
MED-02	KNR’p nutaamik ilusilernikup piginnaasat pisariaqartitai misissoqqissaarlugit.
MED-03	KNR’mi piginnaasat pioreersut suuneri misissorlugit
MED-04	Piginnaanngorsagaanissamut isuma ineriartortinneqassaaq, atuutsinneqalerlunilu ingerlanneqalissaaq.
MED-05	TV2 Nord aamma Kringvarp peqatigalugit sulisunik paarlaasseqateqartarneq ingerlallugu
ØHP-01	Angusanut servicemullu isumaqatigiissut ullutsinnut naleqquttoq nutaaq isu maqatigiissutigalugu suliaralugulu.

ØHP-02	Mediehus-itaarnissaq ingerlatiinnarlugu
ØHP-03	Teknikkikkut siunissami qaninnermut ungasinnerusumullu aaqqiissutissat nalilernissaannut suliniuteqarneq
ØHP-04	Sulisut akornanni piumassuseq atugarissaarnerlu annertunissaat anguniarlugit
ØHP-05	KNR nutaarsiassaqaqtitsivittut isigineqarnerulernissaa anguniarlugu
ØHP-06	Brugsen-ip ikaartarfiani nutaarsiassat sarsuarsut.